

大明集禮

四十四



內閣文庫		
函	冊	號
三	八〇	一九〇〇
架	冊	類

內閣文庫		
函	冊	號
三	八〇	一九〇〇
架	冊	類

內閣文庫		
番號	漢	1900
冊數	80(44)	
函號	295	24




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





大明集禮卷二十九


嘉禮十三

鄉飲酒禮

總敘

鄉飲酒之禮。夏殷之世無所考。周制五禮之目。是為嘉禮之一。凡禮之所紀。冠。婚。喪。祭。皆自士以上乃得行之。而鄉飲酒之禮。達于庶民。因其聚會之際。與之揖讓升降。使知尚賢尊長。而與敬讓之道焉。考之經傳。其說有三。鄉大夫三年

淺草文庫



大明集禮 卷二十九

大比。獻賢者能者於其君。以禮禮賓之而與之
飲酒。一也。黨正國索鬼神而祭祀。則以禮屬民
飲酒而正齒位。二也。州長春秋習射于序。先行
鄉飲酒禮。三也。夫用之州黨而亦謂之鄉者。先
儒以爲州黨鄉之屬也。或鄉大夫入而觀禮。或
鄉大夫居此黨內。故亦以名之也。其正齒位之
說見於周官者。一命齒於鄉里。再命齒于父族。
三命而不齒。見於禮記者。六十者坐。五十者立
侍。六十者三豆。七十者四豆。八十者五豆。九十

者六豆。而儀禮鄉飲酒之篇不著其文。故先儒
以爲今之存者乃鄉大夫之事。而黨正之禮亡
矣。漢制郡國十月行鄉飲酒禮。蓋用正齒位之
說。魏晉以下。間或行之。其詳不可得而聞。宋
兼采二說。賓興賢能。則以刺史或上佐爲主。其
制皆倣於古。而小損之。有主賓介而無僎。其樂
則歌笙間合。各一作而不備。正齒位則行於冬
季。主用縣令。復降殺其禮。無謀賓戒賓。不設折
俎。易脯醢爲菹醢。其作樂如上。建宋淳化三年。

詔有司講其禮。命學士蘇易簡。倣古樂章作鹿鳴。南陔。嘉魚。崇丘。關雎。鵲巢之詩。凡三十四章。後不果行。政和中有司奏參酌古制。於州軍貢士之月。以禮飲酒。用知州軍事。或本州佐官為主。提舉學事司所在。則提舉為主。上舍生當貢者。與州之羣老為衆賓。其登降之節。與舉酒作樂器用之類。並參照辟雍宴貢士之儀。紹興十三年。禮部奏脩定儀制。頒下郡國。於科舉之歲。行於學校。是日賓主先舍。菜于先聖先師。然後行禮。並不作樂。蓋本用賓賢之說而已。仕未仕者。以齒序。位于兩廊。則亦兼取黨正之文。至其登降之容。獻酬之節。較之於唐尤簡略焉。十七年。左迪功郎陳介言乞定郡國所行鄉飲歲數。乃命諸州三歲科舉之年行之。其願每歲一行者亦從其便。二十六年。又命願行於里社者聽官不得預。其可考者如此。

國朝受

命。戡定海內。卽

詔有司稽古考文。定為一代之制。於是取儀禮及唐宋所行。參酌損益。為鄉飲酒禮。又采周官屬民讀法之旨。於行禮之中。一人升讀律令。縣邑則歲一行之於學校。里社則季一行之里中。蓋本於正齒位之說。而賓與賢能。春秋習射亦可通用焉。

賓主介僕

儀禮。主就先生而謀賓介。注曰。主謂諸侯之鄉大夫也。先生。鄉中之致仕者。介。處士之賢者。諸

公大夫入而觀禮者為僕。諸公者。大國有孤。四命謂之公。

唐禮。鄉飲酒之禮。刺史為主。先召鄉之致仕而有德者謀之。賢者為賓。其次為介。又其次為衆賓。與之行禮而賓興之。正齒位。每年季冬行事。縣令為主。鄉之老人六十以上有德行者一人為賓。次一人為介。又其次為三賓。又其次為衆賓。

宋禮。主州以郡守。縣以縣令。賓。擇鄉里寄居年德高及致仕者為之。僕。州以通判。縣以丞。或簿

為之。介以次長為之。三賓以賓之次者為之。司正以衆所推服者為之。相及贊以士之熟於禮者為之。

今擬見儀注。

戒賓介

儀禮主戒賓。賓拜辱主答拜。乃請賓。賓禮辭許。主再拜。賓答拜。主退。賓拜辱。戒介亦如之。

唐禮同儀禮。

宋禮省。

今擬省。

設席位次

儀禮乃席賓。主介衆賓之席皆不屬焉。注曰賓席。牖前南面。主席作階上西面。介席西階上東面。席衆賓於賓席之西。不屬者不相續也。皆獨坐。明其德各特也。又曰立者東面北上。若有北面者則東上。主之贊者西面北上。

唐禮其日質明設賓席於楹間近北南向。設主席於作階上西向。設介席於西階上東向。設衆賓席三於賓席之西各南向。皆不屬。又設堂下

衆賓席於西階西南肆北上。設贊者位於東階東。西向北上。正齒位同。

宋禮。主位於東南。賓位於西北。僕位於東北。介位於西南。三賓位於賓主介僕之後。設郡寮之位。東西相向。其餘仕與未仕者。皆以齒序位於兩廊。又設席於堂下。凡鄉之仕與未仕者。以齒序位。又設主賓介僕三賓之次於庠序之廊。今擬見後儀注。

陳器

儀禮。尊兩壺于房尸間。斯禁。有玄酒在西。設篚

于禁南。東肆加二勺于兩壺。禁。承尊之器也。名

斯禁。禁切地無足者。玄酒。新水也。篚。承爵解之篚也。設洗于作階東南。南

北以堂深。謂如堂深二丈。則東西當東榮。榮。屋翼也。

水在洗西。南肆。

唐禮。設兩壺於賓席之東。少北。玄酒在西。加勺

罍。置篚於壺南。東肆。實以爵解。正齒位同。

宋禮。先一日。設尊罍爵洗。各如奠謁先聖之儀。

今擬見後儀注。

舍菜

儀禮。唐無之。

宋禮。其日質明。主率賓介以下先舍菜于先聖先師。

今擬賓興賢能飲酒。則先一日行舍菜禮。正齒位不用。

立班

儀禮無文。

唐禮。賓介及衆賓至。立於廳事大門之外。東面北上。執事者皆就位。

宋禮。賓主以下各就次。候鳴鼓。相者引賓介以下序立於庠門之外。北面東上。

今擬參酌別定立班之儀。

迎賓

儀禮。主一相迎于門外。再拜賓。賓答拜。拜介。介答拜。揖衆賓。主人揖先入。賓厭介入門左。介厭衆賓。皆入門左。北上。厭。一涉切。推手曰厭。揖引手曰厭。

唐禮。主迎賓於門外之左。西面拜賓。賓答拜。又

西南面拜介。介答拜。又西南面揖衆賓。衆賓報揖。主又揖賓。賓報揖。主乃先入門而右。西面。賓入門而左。東面。介及衆賓序入。立於賓西南。衆賓非三賓者。皆北面東上。凡賓主揖拜。周正齒位云。衆賓立於三賓之後。餘同。

宋禮。相者引主出。僕從。至於庠門外。速賓及介。主立于門左。西向。賓介進立于門右。東向。贊者進立於中。唱曰。主拜。賓介以下皆答拜。主揖。賓介以下皆報揖。王先入門右。僕從。賓揖介。亦入

門左。介揖衆賓。皆入門左。贊先之。相次之。今擬見儀注。

序賓

儀禮。主與賓三揖。將曲揖。當階。揖。當碑。揖。至于階。三讓。主升。賓升。主阼階上。當楣北面再拜。賓西階上。當楣北面答拜。

唐禮。主將進揖。當階揖。賓皆報揖。至階。主曰。請吾子升。賓曰。某敢辭。主曰。固請吾子升。賓曰。某敢固辭。主曰。終請吾子升。賓曰。某敢終辭。主升

自阼階。賓升自西階。當楹北面立。

禮。主與賓三揖。皆贊者唱之。至堂下。升階。三

讓。主先升阼階。僕從。立楹下。賓趨升西階。介從。

三賓亦升自西階。並立楹下。各南向。司正亦升

西階。立于西階之上。東向。教授升自東廡。立于東階。西向。郡僚分立

兩廡。衆賓東西相向立于堂下。贊者唱曰。賓主以

下皆再拜。

今擬見儀注。

獻賓

儀禮。主坐取爵于篚。降盥洗。已盥。然洗爵。升實爵。賓

之席前西面獻賓。賓西階上拜。主少退。賓受爵

以復位。主阼階上拜。送爵。賓少退。薦脯醢。賓升

席自西方。乃設折俎。主於阼階上立。賓坐。左執

爵。祭脯醢。奠爵于薦西。興。右手取肺。卻左手執

本。坐。弗繚。右絕末以祭。尚左手齊之。興。加于俎。

坐。悅手。遂祭酒。興。席末坐啐酒。降席。坐奠爵。拜。

告旨。執爵興。主阼階上荅拜。賓西階上北面坐。

卒爵。興。

唐禮無盥洗餘同。

宋禮主詣盥洗所洗解。至酒尊所酌酒實解。授

執事者。至賓席前西北向立。執事者分立。直解者立

主人之左直脯次引賓自西階趨就席。主跪左

執解飲賓。賓拜跪受爵飲。酌主荅拜。執事者薦

脯醢。賓受訖。主退就席立。僕亦就席立。

今擬見後儀注。

賓酢主

儀禮賓降洗實爵酢主。皆如主獻賓之儀。主卒

爵坐奠爵於序端。序端東序之端也。東西墻謂之序。

唐禮同。

宋禮無。

今擬見儀注。

主酬賓

儀禮主實解。乍階上北面坐祭。遂飲卒解。興降

洗。實解。賓之席前北面。賓西階上拜。主少退。卒

拜。進坐奠解于薦西。賓坐取解。北面坐奠解于

薦東。酬酒不舉主揖降。賓降立于階西。主人將與介為禮。賓謙不

敢居堂上。

唐禮同。

宋禮無。

今擬省。

主獻介

儀禮。主以介揖讓升拜。如賓禮。主乃坐取爵于東序端。降洗。實爵。介之。帝前西南面獻介。介西階上北面拜。主少退。介進北面受爵。復位。主介右北面拜送爵。介少退。王立於西階東。薦脯醢。

介升席。自北方設折俎。祭如賓禮。不齊肺。不啐

酒。不告旨。自南方降席坐。卒爵興。

唐禮。不降洗。餘同正齒位。無折俎。餘同。

宋禮無之。

今擬見後儀注。

獻三賓

儀禮。主西南面三拜衆賓。衆賓皆荅一拜。主揖升。坐取爵于西楹下。降洗。升實爵于西階上。獻衆賓。衆賓之長升拜受者三人。主拜送坐祭。立。

飲以爵授主。降復位。每一人獻。則薦諸其席。

唐禮同。

宋禮無之。

今擬見儀注。

獻衆賓

儀禮。衆賓獻。則不拜受爵。坐祭。立飲。衆賓徧有脯醢。主以爵降奠于篚。

唐禮上實爵進於西階上。南面獻堂下衆賓。餘

同。

宋禮無之。

今擬見儀注。

升位

儀禮。揖讓升。賓厭介升。介厭衆賓升。衆賓序升。即席。

唐禮同。

宋禮無。

今擬自席末升位見儀注。

僕入

儀禮。賓若有僕者。諸公。大夫則既一人舉解。乃入。主降階。賓介及衆賓皆降。主迎于門內。揖讓升。公升如賓禮。大夫則如介禮。席于賓東。主獻薦脯醢。設折俎皆如賓禮。

唐禮無之。

宋禮有僕。而與儀禮不同。

今擬特存此條。以待致仕而有德行者。

樂賓

儀禮。工。詠鹿鳴。四牡。皇皇者華。卒歌。笙入堂下。

磬南北面立。樂南陔。白華。華黍。乃間。詠魚麗。笙由庚。歌南有嘉魚。笙崇丘。歌南山有臺。笙由儀。乃合樂。周南。關雎。葛覃。卷耳。召南。鵲巢。采芣。采蘋。

書禮。工。歌鹿鳴。卒歌。笙入立於堂下。北面。奏南陔。訖。乃間歌。南有嘉魚。笙崇丘。乃合樂。周南。關雎。召南。鵲巢。樂無工人。則闕。毋得奏不雅之曲。

宋禮無之。

今擬省。

司正揚觶

儀禮主降階作相為司正主升復席司正洗觶升自西階實觶降自西階階間北面坐奠觶退共少立坐取觶不祭遂飲執觶與盥洗北面坐奠觶于其所退立下觶南

唐禮同

宋禮贊者唱曰賓主以下皆執笏次引司正出位贊者曰請司正揚觶次引司正取觶請洗所洗畢至席前跪而揚觶訖贊者曰請司正致詞

司正乃言曰古者於旅也語於是道古云云訖司正復位賓主以下復位今擬見儀注

旅酬

儀禮賓坐取俎西之觶先一人舉觶奠于俎西乍階上北面酬主主降席立于賓東賓坐奠觶遂拜執觶興主答拜不祭立飲不洗實觶授主主西階上酬介如賓酬主之禮介酬衆賓拜興飲皆如上儀卒受者以觶降坐奠于筐

唐禮同。

宋禮。主獻賓之後。即賓酬主。主酬介。介酬衆賓。今擬特省此條。以從簡便。

讀律

儀禮。唐宋皆無之。

今擬新增。

無筭爵

儀禮。衆賓皆降。說獲揖讓如初升。坐乃羞。注曰狗也。也。無筭爵。無筭樂。

唐禮同。正齒位無羞。

宋禮。賓主以下皆坐。酒二行訖。

今擬見儀注。

賓出

儀禮。賓出奏咳。注云咳。咳夏也。主送于門外。再拜。

唐禮同。

宋禮。相者引主先興。復至阼階。楮下立。僕從。賓介復至西階。楮下立。三賓亦復至西階。並南向。

教授復立東階。西向。司正復立西階。東向。郡察復立兩廡。衆賓。堂下東西相

向主再拜。賓介以下皆再拜訖。賓介與眾賓先自西趨出。主少立。自東出。賓立庠門外之右。東向北上。主立於門外之左。西向。僕從皆再拜。遂巡而退。

今擬見儀注。

縣邑飲酒讀律儀注

立賓主介僕

每冬季行事。縣令為主。以鄉之老人年六十以上有德行者一人為賓。其次一人為介。又其次

為三賓。又其次為眾賓。鄉人嘗為大夫士而致

仕者。或寄居之士大夫年德可尊禮者一人為

僕。如無。則以縣丞主。薄為之。無則闕。以眾所推服者一人為司

正。贊禮一人。及贊引者。皆擇士之容貌詳緩習

禮儀者為之。實主各。有贊引。讀律一人。使能者。

陳席設位次。席。謂坐席位。謂立位。次。謂更衣服之所。

設賓席于堂北兩楹之間。少西。南面。冠禮。黜于。客位。今世。

亦指此處。為客位。主席于阼階上。西面。在東楹之。東少北。介席

于西階上。東面。在西楹之。西少北。僕席于賓東。南面。謂兩

楹之間少東世俗謂此處為主位。三賓席于賓西南面。與賓共為一列。

皆專席。不屬衆賓。六十以上者席于西序。東面

北上。堂東西墻謂之序。若賓多則又設席于西階上。北

面東上。僚佐席于東序。西面北上。僚佐謂縣丞

俱則主簿典史居此。

設衆賓五十以下者位于堂下西階之西。當序。

東面北上。若賓多則又設位于西階之南。北面

東上。凡立位皆設席而不坐。至無筭爵乃坐。司正及讀律者位于

堂下阼階之南。北面西上。按儀禮司正位于兩階之間。北面而脯醢

薦于其位。今薦脯醢皆設卓案。與古異。故改位于此。

設主之贊者位于阼階之東。西面北上。禮主之贊者西

面北上。無筭爵。然後與注曰。贊者謂主之屬。佐主徹。霽沃盥設薦俎者。

設主及僚佐以下次于東廊。賓介及衆賓次于

庠門之外。僕次亦在門外。

陳器

設酒尊于堂上東南隅。加勺。罍用葛巾。爵洗于

阼階下東南。篚一于洗西。實以爵觶。盥洗在爵

洗東。設卓案于堂上下席位前。按儀禮徧有脯醢皆薦于其位。

則立者亦當有之。但古者席從。陳豆于其上。六十

地而坐。故薦于地上。今難從。者三豆。七十者四豆。八十者五豆。九十者六豆。

堂下者二豆。主人豆如賓之數。若九。十者為賓。六。豆。則主人亦

六豆。其餘皆實以菹醢。賓與賢能。則用脯醢。設奠爵卓案

于東序端。及西楹南各一。

舍菜

若賓與賢能。則前一日舍菜于先聖先師如常

儀。正齒位則省。

立班

其日質明。主及賓介以下各就次。執事者省視

器饌畢。詣主。次前告具。乃命鼓人鳴鼓。贊引導

主及僚佐以下出次。主及僚佐朝服。餘深衣。主立于阼階

下。西面。僚佐序立于主之後。皆西面北上。司正

及讀律者北面西上。贊禮進立于東階之西。近

堂廉。賓之贊引導賓以下盛服出次。序立于庠

門外之右。介居賓南。三賓居介南。衆賓居三賓

之後。皆東面北上。僕仍居次不出。

迎賓

班定贊引唱主迎賓贊引進主之左曰請迎賓
乃導主出庠門外西面立僚佐不出贊引唱揖主揖
賓以下皆揖贊引唱肅賓主揖賓賓報揖贊引
導主先入門左西面立賓之贊引唱揖賓揖介
介揖衆賓序行入門右皆東面立如門外之序

序賓

主揖賓遂行當階再揖將及階又揖賓皆報揖
皆贊引唱之至階主阼階下西面即初位賓西
階下東面介居賓南三賓居介南衆賓居三賓
南俱東面北上

獻賓

贊禮唱主以賓升贊引進主之左曰請延賓主
與賓三讓主先升阼階賓升西階俱當楹下北
面立贊禮唱獻賓贊引進於主之右曰請酌酒
導主降自阼階詣盥洗位次詣爵洗位洗爵拭
爵以爵授執事者升詣尊所執事者舉罍主執
爵酌酒以爵授執事者並如釋奠儀至賓席前執爵
者以爵授主主西北面獻賓贊引導賓自西階

趨就席末。東南面受爵。主揖送爵。賓報揖。卒爵。以爵授執事者。謂賓之執事者。蓋將酢於主也。主退立于阼階上。北面。賓退立于西階上。北面。如初升。

賓酢主

贊禮唱賓酢主。贊引進賓之左。曰。請酌酒。導賓降自西階。執爵者從。詣盥洗位。爵洗位。升自西階。詣尊所酌酒。並如前儀。至主席前。執爵者以爵授賓。賓東南面酢。主贊引導主。趨就席末。西北面受爵。賓揖送爵。主報揖。卒爵。賓退立于席

末。賓之席也。酢。事畢。退立于席末。主將與介為禮也。于主乃以爵奠于東

序。端。卓上。復阼階上。北面立。主退復阼階而不就席末者。將有事也。

獻介

贊禮唱主延介。贊引進曰。請延介。導主降自阼階。西南面揖介。至階一讓。主遂升。介升西階。並當楣下。北面立。贊禮唱主獻介。贊引進曰。請酌酒。導主詣東序端。取所奠爵授執事者。詣尊所酌酒。以爵授執事者。如前。至介席前。執爵者以

爵授主。主西南面獻介。贊引導介自西階上趨就席末。北面受爵。主乃揖送爵。介報揖。卒爵。以爵授主。退立于席末。介之席也。主以爵奠于西楹南。退阼階上。北面如初。將與三賓為禮也。

獻三賓

贊禮唱主。獻三賓。贊引導主降阼階西南面。三揖衆賓。衆賓皆報一揖。主升取西楹南所奠爵酌酒如前。進西階上。南面獻衆賓之長。贊引導衆賓之長一人升西階上。北面受爵。主揖送爵。賓長報揖。卒爵。以爵授主。賓長就席。立于席末。三賓之席也。次導賓長之次者一人升。受爵如前。又次一人亦如之。主乃以爵授執事者。少退西面立。

獻衆賓

贊禮唱獻衆賓。執事者酌酒授主。主復進西階上。南面獻衆賓。衆賓六十以上者。每一人升西階上。受爵。卒爵。退就西序之席。立于席末。升者畢。主以爵授執事者。下奠于篚。堂下者不獻。主

退就席未立。

升位

贊禮唱衆賓皆升位。主乃自席末先升席。賓介以下皆自席末升席。堂下者皆就位。引僚佐升自東廡就席。堂上者坐。堂下者立。

僎入

無僎則去此條。升位後。僎始入者。儀禮注云。不干主賓正禮也。

贊禮唱僎入。贊引導僎出次。服深衣亦從便。入

門左。主降自阼階。迎于門內。賓介降立西階下。三賓不降。主

與僎揖讓升。主升阼階。僎升西階。當楣北面立。

賓介皆升立西階東面北上。贊禮唱主獻僎。贊引進曰。請酌

酒。導主降洗爵。詣尊所酌酒。如賓儀。至僎席前。

東北面獻僎。贊引導僎自西階上趨就席末。東

西南面受爵。主揖送爵。僎報揖。卒爵。以爵授主。

主以授執事者。下奠于篚。主及賓介各升席。

揚觶

贊禮唱司正揚觶。贊引導司正出位。詣盥洗位。盥手。悅手。次詣爵洗位。取觶于篚。洗觶。拭觶。升自西階。詣尊所酌酒。進兩楹之間。北面立。贊者

唱在坐者皆起賓主以下皆起拱立司正乃舉
觶而言曰恭惟

朝廷率由舊章敦崇禮教舉行鄉飲非為飲食
凡我長幼各相勸勗為臣竭忠為子竭孝內穆
於閨門外順于鄉黨無或廢墜以忝所生言畢
揖賓主以下皆揖司正遂飲卒爵復揖以爵授
執事者降自西階復位賓主以下復坐

讀律若賓與賢
能不用此

贊禮唱讀律執事者設律案于堂上兩楹之間
次引讀律者出位詣盥洗所盥手悅手訖乃升
自西階執律者以律從至案前北面立執律者
以律置案上立于案傍西面在坐者皆起讀律
者揖賓主以下皆揖復坐乃展律詳緩讀之畢
在坐者又起讀律者揖賓主以下皆揖讀律者
降自西階復位執律者以律從如初

無筭爵

贊禮唱爵行無筭於是堂下者皆坐執事者行
酒酒三行或五行食三品或五品徧及主之贊

者皆與。

賓出

贊禮唱禮畢。主興。降自阼階。賓以下降自西階。僚佐降自東廡。堂下衆賓以序俱出。至門外。主門左西面。僚佐以下列主之後。賓門右東面。介居賓南。三賓居介南。衆賓居後。贊引唱揖。賓主以下皆揖退。

里社飲酒讀律儀

立賓位

里長為主。以鄉之老人六十以上有德習禮者一人為賓。次一人為介。又次為衆賓。讀律一人。使能者。

陳設

設賓席於堂之西北。南面。設主席於東南西面。介席於堂之西南。東面。衆賓六十以上者。席於兩序。東西相向。五十以下者。席於堂下。亦東西相向。五十以下者。席於堂下。亦東西相向。各設卓案于席前。豆用菹醢。設讀律席于東楹下。西

面。如教官講書之位。

序賓

其日質明。賓介及衆賓皆至門外。主出迎。東向揖賓。賓以下西向報揖。主先入門而右。賓入門而左。介與衆賓從。至階。主升西階上。東面。賓介於東階上。西面。衆賓六十以上者。皆自東階升。分為兩班。東西相向。北上。居西者立。主之後。居東者立。賓介後。五十以下者。立堂下。亦分兩班。東西相向。北上。主與賓皆揖。各就席坐。執事者行酒。酒一行止。

讀律

執事者設卓案于東楹。讀律席前。次引讀律者。正衣冠升席。展律于案。詳緩讀之。畢。起立拱手。坐者皆起立拱手。讀律者揚言曰。恭惟國家憲章先王。明刑弼教。期協于中。爰用古禮。屬民讀律。凡我長幼。尚敬共夙夜。毋干彝憲。以忝祖父。言訖。歛律降席復位。位在堂下。衆賓之列。賓主復坐。酒三行止。

賓出

人明作禮 卷二十九 十一

主先興。賓介以下皆興。序立如初升。堂下者亦如之。賓主皆揖。主送于門外。揖退。

設席陳器圖

集禮卷二十九 二十六

酒
水
醴
饌

衆賓
衆賓
衆賓
衆賓
衆賓

圖

圖

圖

圖


僚佐
僚佐
僚佐

莫爵卓序
東

序
西

卓
解
奠


立班圖



衆賓五
衆賓十
衆賓下
衆賓者
衆賓此位

衆賓若
衆賓多則
衆賓設位
北于此
東上

門



集禮卷三十九 二十七

正司
讀律
洗爵洗

贊

贊者有
贊者有
贊者有

主獻賓酢圖

賓

醴

賓 醴 賓 醴 賓 醴 賓 醴

未席就

未席就

賓

主

賓 醴 賓 醴 賓 醴 賓 醴

爵

集禮卷之五十九

衆賓揖

衆賓揖 介揖

賓揖

衆賓揖

介揖

衆賓揖

三賓揖

贊引

品

主


贊引

賓位
退立同

主位
退立同

尊位

尊酒




賓三辭次升

介

三賓

衆賓




主三讓先升

主人獻介圖

集禮卷二十九 二十

主于席末

賓



介

退立同

主進受爵
介退立同

賓

獻介

西序


于此
賓爵

介北回

正堂

於取主
此爵者

無序
畢



一辭次升

介揖



讓先升

主者必介

主人獻衆賓圖

長賓 長賓 長賓

賓

賓獻南者
衆


賓長三人次
出受爵衆賓亦
去者存升受爵亦
飲畢各退至本席
末

一衆皆以同之

正位
正位



賓長
賓長
賓長
衆皆各一揖
衆賓



尊
酒

衆皆以同之

主人迎僕獻僕圖

集禮卷十九 三十一

正位
正位
正位




衆賓
衆賓



衆皆以同之

僚佐
僚佐



西

賓升立
介升立

僕升如賓禮

僕

賓降立

介降立

東

賓
介

揖讓升
揖者

僕入門內
書

門

司正揚解圖

集禮卷二十九 三

賓長
賓長
賓長

賓

僕

衆賓

僕佐

介

者主

司正揚解

讀律圖

賓長

衆賓

介

賓

賓

僚佐

者

者

集禮卷二十九 三十四

司正
司正
司正




尊
酒

司正出位

鹽洗
盥洗



司正出位



大明集禮卷二十九

讀律者升降



律
卷二十九

律執

讀律者出位



盥洗

